

CAP. VII.

De Angelis Sephirotarum, & in primis de magno & imperatorio illo lucis Angelo dicto Metatron, & tum postea de magno illo tenebrarum Angelo, ei natura & dispositione opposito.

ABina proprietatum diuinarum ex partibus Sephiroticis effusarum dispositione, bini oriuntur Angelorum ordines, natura & conditione oppositi, utpote quorum vnus in beneficentia, alter in malignitate erga genus humanum, quod est creationis finis versatur: Atque hoc fundamento sunt illi philosophi stabiliti, qui binas in mundo posuerunt potestates principales, videlicet litem & amicitiam, quarum hæc quidem res conciliat illa vero dispergit. Hinc factum est; quod ut Apollinis erat, iuxta Poetarum intentionem, componere & concordia vinculis vnire, ita quidem Dionysii proprietates erat, cõposita discordia antipathia destruere, atque vnita dissipare, & tamen tã Apollo, quã Dionysius non nisi vnicã diuinitatis essentiam fecerunt, biniformiter & secundum voluntatem suam actus sui operationem emittentem, videlicet vel in clementia & pietate, vel in seueritate & indignatione sua erga creaturas. Nam vt in igne eodẽ tam figura quam qualitate immutato videmus beneficam & viuificam, atque destructiuam & maleficam naturam (utpote qui nimia appropinquatione rei combustibilis adurere solet, & de longe suauiter & beneuole creaturam animalem calefacit, ita quidem de iis semper idem & immobilis secundum variam radiorum seu emanationis suæ emittendæ rationem vel beneuole vel destructiue agit, iuxta voluntatem & placitum suum.

Ob hanc ergo rationem (quatenus agere solet immediate in ministris suis angelicis, qui medii dicuntur inter Deum & creaturas) creauit atq; fecit eos tanquam vasa apta ad recipiendos alia beneuolos suos effluxus, alia maleuolos, & ad seueritatem tendentes, quare sequitur, quod respectu harum binarum proprietatum angelorum alii dicuntur boni, alii mali, alii hominum amici, alii hostes, alii conseruatores, alii exterminatores, vastatores & destructiui, alii vitæ & sanitatis, atque iterum alii mortis & morborum; At vero quoniam omnes omnino angeli, quatenus intelligentiæ terminantur in vno Christo spirituali, tanquam regio & maximo & primario angelo, qui naturam tam angelorum quam DEI in se continet, in quo etiam omnia terminantur, (nam ab ipso, in ipso, & per ipsum sunt omnia, vt ait Apostolus, & Plato in epistolis) ita quidem mundi Messiam, bonum angelum, regalem, maximum, & in alios prædominantem appellarunt in occulta Theosophia periti, utpote qui fluxus suos vitæ & essentiæ mundi primarie suscipit ab *Eheh*, per coronamque eos in primum mobile dirigit, à quo tum postea motum, actum, & existentiam creaturis tam cælestibus quam inferioribus, imo vero dæmonibus atque spiritibus vbique per mundum vagantibus impartitur. Hunc ego Angelum primarium Cabalistæ pro Christi angelo aestimauerunt, vt infra latius, quem etiam alii *Michael* ipsius Solis præidentem dixerunt, sed quoniam hoc incertum videri potest lectori, quomodo nimirum sapientes vnum pro altero intellexerunt, & haud insulse acceperunt, quæ nostra hac in re sit sententia breuiter aperiemus. Ipsi quidem Angelum magnum quatenus erat prima vitæ & existentiam mundi emanatio *Metatron* dixerunt, præsentia cuius omnia sunt illuminata in mundi cauitate, tenebræque centrum versus propulsatæ; atque vt emanatio seu fluxus istiusmodi beneficus fuit factus à prima sephirota *Cheter* seu *corona*, ideo ipse ad angeli maximi *Metatron* custodiam & officium imo vero & existentiam est relatus. At vero quatenus hæc lux primaria ita per spiritum mundanum dilatata, die creationis quarto in Solis massam fuit contracta, virtute influxus *Tiphereth*, ita hoc nomen magnum *Metatron* in illud *Michaelis* transit, vt infra latius, ita vt in hoc videantur Cabalistæ non multum à veritate aberrasse. De istiusmodi ergo magni angeli virtute imperatoria sub nomine vtroque considerata, verba hoc in loco insignia facere ideo mihi proposui, quoniam est magnus vitæ, formæ atque existentiam tan mundo quam creaturis eiusdem, atque præcipue homini distributor, animarum fotor atque sustentator, almus sanitatis atque salutis fautor, atque positionis generationisque author beneuolus, & quatenus se opponit ei princeps huius mundi maleuolus, qui in omnibus ei est natura & conditione contrarius, quippe qui est vitæ destructor, sanitatis hostis, & priuationis mortisque dux atque author, vti capite sequenti.

Huius autem angeli tanta est respectu primariæ suæ prolapiæ nobilitas, tantaque respectu sui officii dignitas, vt ipse non modo omni creatura ortu & loco existimetur prior, verum etiam & omnibus spiritibus suæ speciei loco & munere superior, atque donis ditior. Ad eius autem originem & profapiam quod spectat, traditur esse ipsa sapientia, quæ ante omnia ab ore altissimi egressa est, *Prior omnium* (inquit Sapiens) *creata est sapientia, & intellectus prudentia ab euo, fons sapientiæ verbum DEI in excelsis, &c. Eccles. 1. 5.* Nam voluntate existente immediate effluxit per portam lucidam *Cheter* seu corona,